

270 Caput duodecimum de Instr. diu cult.
saria. Exod. 35. versu 20. Egressa omnis multitudo
filiorum Israël de conspectu Moysis, obtulerunt membra
promissima atque deuota primitias Domino, ad facien-
dum opus Tabernaculi testimonij. Quidquid ad cultum,
& ad vestes sanctas necessariorum erat, viri cum mulieri-
bus prabuerunt, armillas & inanres, annulos, & dextra-
lia, &c. Tertiò, ex parte gentilium, qui & ipsi, ex in-
stinctu Dei, multa conferebant ad promouēdum
Dei cultum. Ut Cyrus Rex Persarum, de quo 1.
Eldræ 1.2. Hac dicit Cyrus Rex Persarum: omnia regna
terra dedit mihi Dominus Deus caeli, & ipse praecepit
mihi, ut adificarem ei domum in Ierusalem, quæ est in Iu-
daea. Et Seleucus Rex Asiae, ac alij vicini Reges, de
quibus 2. Machab. 3.1. Igitur cum sancta Civitas habi-
taretur in omni pace, leges etiam abhuc opiu[m]e custodi-
rentur, propter Onias Pontificis pietatem; vi & ipsi Reges
& P[ri]ncipes locum summo honore dignum ducerent, &
Templum maximis munieribus illustrarent: ita ut Seleucus
Asia Rex de redditibus prestaret omnes sumptus ad mi-
nisterium sacrificiorum pertinentes. Hinc discant Christiani
Pontifices, Reges, subditi, quid sui officij
sit in promouendo Dei cultu. Pontifices imiten-
tur Oniam in pietate: Reges Cyrum & Seleucum
in liberalitate: Subditi populum Israëliticum in
conferendis expensis. Nisi hoc faciant, eueniet
ipsis, quod Iudæis, quando defecerunt à cultu
Dei, contigit. Ierusalem euersa est. Templum in-
cendio conflagravit: omnes in captiuitatem abdu-
cti sunt.

CAPUT

CAPUT XIII.

De Sacrificiis Mosaicis.



A CRIFICIA Mosaica trí-
pliciter diuidi possunt. 1. ra-
tione materiae. 2. ratione for-
mæ & finis. 3. ratione tempori.
Et quidem ratione materiae,
diuiduntur in victimas, oblatio-
nes, & libamenta. Ratione formæ ac finis, in ho-
locausta, hostias pacificas, & hostias pro peccato.
Ratione temporis, in iuge sacrificium, quod quo-
tidie; & in sacrificium Agni Paschalis, quod in
Paschate; & in alia sacrificia, quæ in aliis solenni-
tatis offerebantur. De quibus dicam hoc ordi-
ne. 1. De victimis, immolationibus, & libamini-
bus. 2. De holocaustis, hostiis pacificis, & hostiis
pro peccato. 3. De iugi sacrificio. 4. De agno Pa-
schali. 5. De sacrificiis aliarum solennitatum. 6. De
igne, quo vtebantur Sacerdotes in sacrificiis.
7. Addam aliiquid de sacrificio noti Testamenti,
quod per sacrificia Mosaica fuit præfiguratum.

De Victimis, immolationibus, &
libamentis.

2. Igitur, ratione materiae, triplicia erant sa-
crificia Mosaica. 1. Victimæ seu hostiæ. 2. Immola-
tiones. 3. Libamenta. Erat enim triplex mate-
ria à Deo designata, quæ in Iudaeorum sacrificiis

offerri poterat ac debebat. Primò , animalia ; vt bœus, capræ, bœdi, boues, vituli, columbæ, passeres, turtures. Secundò , fructus terræ ; vt panis, simila , sal, thus, manipulus spicarum virulentum, & triticum. Tertiò , liquores , vt sanguis, vinum , oleum , aqua. Nec aliquid his amplius. Cùm ergo fiebat sacrificium ex animalibus , vocabatur hostia seu victima : cùm ex fructibus terræ, immolatio: cùm ex liquoribus, libamen seu limentum.

3. Erat autem diuersus modus offerendi in hoc triplici rerum genere. Nam animalia offerebantur mactatione & combustione: fructus terræ, immutatione : liquores, effusione. Porro illa immutatio fructuum erat etiam varia. Nam panis in frusta dissecabatur ; simila, faragine, clibanico, vel craticula coquebatur ; sal vrebatur ; thus adolebatur ; manipulus spicarum torrebatur ; triticum contrebatur.

4. Hèc queri potest , cur non alia animalia, nec alios fructus, nec alios liquores, licuerit offerre in sacrificiis Mosaïcis, quam quæ iam numerata sunt? Ratio dubitandi est, quia præter illa, sunt alio multo præstantiora. Optima autem quæque Deo offerenda sunt. Hinc sacrificium Abeli fuit Deo gratum, non autem Cain; quia Abel obtulit de primogenitis animalium : Cain vero , non de primiis frugum , sed de communibus frugibus. Respondeo. In hac re debet nobis sufficere voluntas Dei, qui in lege Mosaïca sic voluit & ordinavit. Nec tamen desunt rationabiles causæ, cur id factum sit; de quibus videri potest D. Thomas in 1.2.q.102.&103.

De

*De Holocausto , Sacrificio pro peccato,
& hostia pacifica.*

5. Ratione formæ ac finis, erat etiam triplex sacrificium in lege Mosaïca. 1. Holocaustum. 2. Sacrificio pro peccato. 3. Hostia pacifica. Vide D. Thomam 1.2.q.102.art.2.ad 8.

6. Holocaustum erat sacrificium perfectissimum , quia in eo tota res oblata comburebatur, & in fumum resoluta, sursum ad Deum ascendebat ; ita vt nihil inde cederet in usum humandum. Per hoc enim perfectissimè designabatur, omnia esse ipsius Dei , & omnia ad ipsius honorem referenda. Et in hunc finem erat potissimum institutum hoc genus sacrificij: tametsi interdum etiam pro peccato populi & Sacerdotum offerri poterat.

7. Sacrificium pro peccato , partim cremabatur, partim cedebat in usum Sacerdotum , qui in atrio templi ex eo vescebantur. Per hoc significabatur (vt notat D. Thomas) quod expiatio peccatorum fiat quidem à Deo , sed per ministerium Sacerdotum. Solet autem offerri pro peccatis quibusdam externis , & pro peccatis commissis per ignorantiam , vel negligentiam circa ceremonias legis. Leuit.4. & 5.item, pro peccato furti, periurij, calumniæ. Leuit 6.& 7. Porro, si-
c ut diuersa erant peccata , & diuersæ personæ, quæ peccabant ; ita etiam diuersa erant sacrificia pro peccato. Aliud enim offerebatur pro periurio , aliud pro aliis peccatis. Similiter, aliud pro Pontifice , aliud pro Rege , aliud pro Synagoga,

T 3 aliud

aliud pro priuatis hominibus.

8. Hostia pacifica poterat ex duplice titulo offerri. 1. In gratiarum actionem, pro beneficiis à Deo acceptis. 2. Ad noua beneficia à Deo impenetranda. Diuidebatur autem in tres partes: quarum una comburebatur ad honorem Dei; altera cedebat in vsum Sacerdotum; tertia in vsum offerentium. Per hoc significabatur, quod salus hominis procedat à Deo, per directionem Sacerdotum, & cooperationem illius, qui salvatur.

9. Ab hac diuisione, quæ iam explicata est, parum differt illa, quâ sacrificium diuiditur in Latreuticum, Eucharisticum, Impetratorium, & Propitiatorium. Latreuticum dicitur, quod solum fit ad Deum colendum, testando eius principatum, & nostram seruitutem seu subiectiōnem. Hoc potissimum fit holocausto. Eucharisticum dicitur, quod fit in gratiarum actionem pro beneficiis acceptis. Impetratorium, pro beneficiis accipiendis. Vtrumque in veteri lege dicebatur *hostia pacifica*. Propitiatorium est, quod offertur pro peccatis, & pro peccatorum pœnis ac flagellis auertendis. Hoc idem est, quod sacrificium pro peccato.

10. Adhuc tria notanda sunt ex D. Thoma, q. 102. art. 3. ad 8. & 10. Vnum est, quod si conferamus hæc sacrificia Mosaica inter se, ratione sanctitatis & præstantiæ; primum locum obtineat Holocaustum; Secundum, Hostia pro peccato; Tertium, Hostia pacifica pro beneficio accepto; Quartum, Hostia pacifica pro beneficio accipiendo. Ratio est, quia hæc sacrificia instituta sunt ad cultum & honorem Dei: Ergo, quo major vel

minor

minor est obligatio colendi Deum, eo maior vel minor dignitas est sacrificij, quo illum colimus. Obligamus autem hoc ordine. 1. propter infinitam ipsius maiestatem. 2. Propter offendam in ipsum commissam. 3. Propter accepta beneficia. 4. Ergo iuxta hunc ordinem: Primo loco censeri debet Holocaustum: Secundo, hostia pro peccato: Tertio, hostia pacifica pro beneficio accepto: Quartu, hostia pacifica pro beneficio accipiendo. Idem ordo dignitatis colligi potest ex parte ipsius sacrificij. Nam Holocaustum totum comburebatur in honorem Dei; cetera non item: Ergo ex hac parte, ceteris erat præstantius. Hostia pro peccato, partim cremabatur ad honorem Dei, partim comedebatur: sed à solis Sacerdotibus, non à populo; & in solo atrio, non alibi; & ipso die sacrificij, non alio. Hostia pacifica pro beneficio accepto, partim cremabatur ad honorem Dei, in quo erat pars hostiæ pro peccato; partim comedebatur, non tamen à solis Sacerdotibus, sed etiam à populo: nec in solo atrio, sed ubique in Hierusalem: & in hoc erat inferior. Hostia pacifica pro impetrando beneficio, poterat comediri, non solum à populo, & extra atrium; sed etiam extra diem sacrificij. Poterat enim conseruari in sequentem diem; & in hoc erat infra sanitatem Hostiæ pro beneficio accepto.

11. Alterum est, quod tametsi carnes victimarum saepe venirent in vsum Sacerdotum & populi, vt iam dictum est; nunquam tamen sanguis, aut adeps. Nam sanguis effundebatur ad

T 4 crepi

crepidinem altaris in honorem Dei : adeps vero adurebatur igne. Huius rei varias assignat causas D. Thomas. Vide infra cap. 15. §. 12. & sequentibus.

12. Tertium est, quod tametsi pro diuersitate peccatorum, diuersa fuerint instituta sacrificia; non tamen seruabatur illa proportio, ut quo maius esset peccatum, eo præstantior esset res oblatæ in sacrificio: sed contra potius, quo maius esset peccatum, eo vilior species animalis offerebatur, vt ex Rabbi Mose notauit D. Thomas. Nam capra, quod est vilissimum animal, offerebatur pro idololatria, quod est granissimum peccatum. Pro ignorantia vero Sacerdotis, offerebatur vitulus; pro negligentia Principis, Hirucus, (Leuit. 4. & seqq.)

De iugi sacrificio, quod quotidie offerebatur.

13. Iudæi ex præcepto diuino iubebatur quotidie offerre duos agnos anniculos, & immaculatos in holocaustum: alterum manè, & alterum vespere. Et cum illis similam conspersam oleo, & vinum pro libamine. Hæc autem oblatio vocabatur *iuge sacrificium*, vel *holocaustum sempiternum*, quia quotidie siebat, & nunquam intermittebatur. Sic enim legimus Exodi 29. 38. *Hoc est, quod facies in altari, agnos anniculos duos per singulos dies ingiter, unum agnum mane, & alterum vespere, decimam partem simila conspersæ oleo tuſo, quod habeat mensuram quartam partem hin, & vinum ad libandum eiusdem mensura in agno uno. Alterum vero agnum*

agnum offeres ad vesperam, iuxta rium matutinæ oblationis, & iuxta ea, que diximus, in odorem suavitatis. Sacrificium est Domino, oblatione perpetua in generationes vestras, ad ostium tabernaculi testimonij coram Domino, ubi constituam, vt loquar ad te. Et Numer. 28. 3. Hæc sunt sacrificia, que offerre debetis. Agnos anniculos immaculatos duos quotidie in holocaustum sempiternum: unum offeretis mane, & alterum ad vespere.

14. Hoc iuge sacrificium veteris Testamenti fuit figura sacrificij Missæ in nouo Testamento. Primo, ratione rei oblatae. Nam sicut in illo offerebatur agnus immaculatus: ita in hoc offertur Christus, qui est Agnus sine macula, Ioann. 1. 29. *Ecce Agnus Dei, ecce qui tollit peccatum mundi.* Secundo, ratione loci. Sicut ille offerebatur in Tabernaculo; ita hic in Ecclesia. Tercio, ratione durationis. Sicut ille offerebatur quotidie; ita Christus offertur quotidie. Vnde etiam apud Danielem cap. 12. 11. vocatur *inge sacrificium*. Quartò, ratione determinationis temporis. Sicut ille offerebatur manè & vespere; ita Christus à principio mundi usque ad finem. Apocalypsi 13. 8. *Agnus qui occisus est ab origine mundi.* Non quidem re ipsa, sed per energiam. Quinto, ratione adiuncti. Sicut ille offerebatur cum simila & vino; ita Christus quotidie offertur sub specie panis & vini.

De Agno Paschali.

15. Hoc sacrificium agni Paschalis à Deo institutum est, paulò ante egressum filiorum Israël

ex Ægypto: ac primo celebratum pridie egressionis ad vesperam: cum mandato, ut postea singulis annis, primo mense anni, die 14. mensis ad vesperam, repeteretur. Quod an semper factum sit, postea videbimus. Ad maiorem illius notitiam, hæc breuiter examinanda sunt. 1. Qualis debuerit esse agnus. 2. An pro agno licuerit aliud animal immolare. 3. Quo tempore immolandus fuerit Agnus. 4. Quo loco. 5. Quo ritu. 6. Quinam potuerint ex illo comedere. 7. In quem finem institutum sit hoc sacrificium agni. 8. Quoties celebratum à Iudeis.

16. Est ergo prima quæstio, qualis debuerit esse agnus? Respondeo. Debuit habere tres conditiones. 1. ut esset masculus. 2. ut anniculus, seu unius tantum anni. 3. ut sine macula, id est, sanus & integer, non morbidus aut vitiosus. Hoc patet ex illo Exodi 12.3. *Decima die mensis huic tollat unusquisque agnum per familias & domos suas.* Erit autem agnus absque macula, masculus, anniculus. Quæ autem maculæ, seu vitia arcerent quodcunque animal à sacrificio, explicat Moses Leuitici 22.21. his verbis: *Homo qui obtulerit victimam, tam de bobus, quam de omnibus, immaculatum offeret, ut acceptabile sit: Omnis macula non erit in eo.* Si cœcum facerit, si fractum, si cicatricem habens, si papulas, aut scabiem, aut impeiginem, non offereris ea Domino, nec adolebitis ex eis super altare Domini.

17. Altera quæstio est, an pro agno licuerit aliud animal immolare? Respondeo. Non licuit aliud immolare, nisi hædum, qui similiter debebat esse masculus, anniculus, & sine macula. Sic enim legimus Exodi 12.5. *Erit autem agnus absque macula,*

macula, masculus, anniculus: iuxta quem ritum tolletis & hædum. Obiici potest illud Deuteronom. 16.1. *Immolabis Phasæ Domino Deo tuo, de omnibus & bobus.* Ergo præter agnum & hædum, licebat etiam bouum aut vitulum immolare. Respondeo. Nomen Phasæ, dupliciter sumi solet. Primo, propriè ac stricte pro agno Paschali, qui immolabatur decimoquarto die mensis primi ad vesperam: Et hoc sensu, non licebat pro agno immolare aliud animal, nisi hædum, ut dictum est. Secundò, impropriè & latè, pro hostiis pacificis, quæ durante solemnitate Paschali, offerebantur in diebus azymorum, qui sequebantur vesperam & immolationem agni Paschalis. Huiusmodi autem hostiæ poterant sumi etiam ex bobus: Et hoc sensu intelligitur, quod allatum est ex Deuteronomio. Vide quæ scripta sunt Numer. 28.16. Vnde pater, tam agnum Paschalem, quam cæteras victimas illius solemnitatis, vocari Phasæ in Scriptura. Hinc facile explicatur illud Ioan. 18.18. *Erat autem manè, & ipsi non introibant in prætorium, ut non contaminarentur, sed ut manducarent Pascha.* Vbi per Pascha nō intelligitur agnus Paschalis, quem Iudei pridie ad vesperā comedenter: sed victimæ pacificæ, quæ sequentibus azymorū diebus comedunt solent, non tamen nisi à mundis & purificatis.

18. Tertia quæstio est, quo tempore immolandus fuerit Agnus? Respondeo. Die decimoquarto mensis primi ad vesperam. Sic enim præceperat Deus Exod. 12.3. *Decima die tollat unusquisque agnum per familias & domos suas.* Et seruatis eum usque ad quartam decimam diem huic, immolabitque eum universa multitudo filiorum Israël ad vesperam.

vesperam. Hoc præceptum , quoad posteriorem partem, semper seruatum est. Nam Hebræi , non solum in Ægypto ante egressionem , sed etiam postea in monte Sinai & alibi , solebant immolare agnum paschalem die decimoquarto mensis primi ad vesperam. Excipio vnum casum. Nam si eo die immundi essent , poterat differri usque ad diem decimumquartum sequentis mensis : quod aliquando etiam factum est. Prior pars difficultatem habet. Nam aliqui putant , Iudeos nunquam , nisi in Ægypto , iussos fuisse querere agnum die decima , quem postea immolarent die decimaquarta ad vesperam : sed unicus liberum fuisse , ut quereret , quo die vellet. Ita Abulensi in cap. 12. Exod. quæst. 4. Ribera lib. 5. de templo cap. 3. & nonnulli alij. Et duplex illorum ratio est. Vna , quia postea , quotiescumque fit mentio immolationis agni , nunquam repetitur illa pars præcepti de die decimo , quo debebat queri agnus ; sed solum altera pars de die decimoquarto , quo debebat immolari. Ego signum est , quod illa pars , de die decimo , non obligauerit , nisi in Ægypto. Altera , quia erant legitimæ causæ , cur in Ægypto debuerint agnum prius querere & præparare , quam veniret dies immolationis : quæ tamen causæ postea locum non habuerunt. Erant autem hæc 1. quia sciebant , se post paucos dies egressuros esse ex Ægypto , & ideo erat valde occupati circa ea paranda , quæ ad futuram profectionem putabantur esse necessaria. Ne ergo propter hanc occupationem obliuiscerentur agni paschalis , iussi sunt tempestiuè illum querere & præparare. 2. Ut tanto plus tem

temporis haberent ad explorandum , an agnus esset talis , qualis ex præscripto Dei requirebatur , nempe anniculus , masculus , sine macula . 3. Ut illis diebus , quibus agnus asseruabatur , ex ipsius aspectu & balatu , facilius cogitarent de futura liberatione ex Ægypto.

19. Neutra ratio videtur conuincere. Non prior , quia etiā postea , quoiescumque firmentio immolationis agni , nunquam repetitur illa pars præcepti , quod deberet comedи cum capite , pedibus , & intestinis. Et tamen ita fieri opòrtebat. Nec posterior , quia illæ tres causæ non magnopere vrgent. Imo prima & tertia non cohærent inter se. Nam si in futurā profectionem ita intenti erant Israëlitæ , ut periculum esset , ne obliuiscerentur agni paschalis ; quid necesse fuit , ut ex aspectu & balatu agni reducerentur in recordationem futuræ profectionis ? Secunda nihil efficit. Cur enim in Ægypto indigebant certis diebus ad explorandum , an agnus esset anniculus , masculus , & sine macula , si postea non indigebant ? An minus cauti & solertes erant in Ægypto , quam extra Ægyptum ? Non video , cur id asseramus.

20. Quarta quæstio est , quo loco immolandus fuerit agnus paschalis : Respondeo. Distingua sunt quatuor tempora. Primum egressionis ex Ægypto. Secundum peregrinationis in deserto. Tertium ingressus in Iudæam. Quartum habitationis in Iudæa. Igitur , cum adhuc in Ægypto essent Hebræi , singuli patresfamilias in sua domo iubebant immolare , & comedere agnum. (Exod. 12.) At tempore peregrinationis , immolantur & comedetur in deserto Sinai.

Sinai. (Num. 9. 1.) Porro in ingressu in Iudæam, post transitum Iordanis, in campestribus Iericho (Iosue 5. 10.) Denique, tempore habitationis in Iudæa, nusquam licebat id facere, nisi in illo loco, vbi esset tabernaculum, iuxta illud Deuter. 16. 5. *Non poteris immolare Phasē in qualibet urbium tuarum, quas Dominus Deus tuus daturus est tibi: sed in loco, quem elegerit Dominus Deus tuus, ut habitet nomen eius ibi, immolabis Phasē vespere ad Solis occasum, quando egressus es de Aegypto.* Locus autem, in quo habitauit nomen Domini, fuit variis temporibus varius. Primo Galgala. Secundo Silo. Tertio Nobe. Quartο Gabaon. Quintο Ierusalem, ædificato templo Salomonis. Et hæc causa est, cur saepe in sacris literis fiat mentio eorum, qui tempore Paschali Hierosolymam ascendebant, vt secundo Paralipomenon trigesimo, versu primo. Lucæ secundo versu 41. & alibi.

21. Quinta quæstio est, quo ritu coquendus & comedendus fuerit Agnus? Respondeo. In prima immolatione, quæ in Aegypto contigit, seruatus est hic ritus & ordo. 1. Macabatur agnus, & sanguis eius ponebatur super vtroque poste ianuæ, & superlimari domus, in qua edendus erat. 2. Excoriabatur, disfindebatur, & eluebatur. 3. Assabatur igne; 4. Assatus comedebatur cum capite, pedibus & intestinis. 5. Adhibebantur azyami panes, cum lactucis agrestibus. 6. Nihil ex eo licebat conseruare in sequentem diem: sed si quid residuum fuisset, igne comburendum erat. 7. Qui illum comesturi erant, debebant accincti esse renibus, calceati, baculum manibus gestantes,

festinan-

festinantes. Vide Exod. 12. Duo hic quæsti solent. 1. An hæc omnia sint etiam seruata? 2. An Iudæi comedentes Agnum, debuerint stare, an sedere? Nihil certi de vtroque.

22. Sexta quæstio est, quinam potuerint comedere de agno Paschali? Respondeo. Soli Iudæi; non autem alienigenæ, nisi prius essent circumcisæ, (Exod. 12. 43.) Est ratio est, quia circumcisio erat figura Baptismi: & agnus Paschalensis, sacrificij Eucharistiae. Sicut ergo in novo Testamento, nemo potest esse particeps sacrificij Eucharistiae, nisi sit baptizatus: ita in veteri Testamento, nemo poterat edere de agno Paschali, nisi esset circumcisus. Sed an omnes circumcisæ poterant? Certum est, immundos non potuisse. Vnde si qui Iudæi, vel alienigenæ circumcisæ, eo die, quo ordinariè immolabatur agnus Paschalensis, immundi fuissent, debebant prius mundari, & expectare usque ad diem decimum quartum sequentis mensis, sicut factum est Numer. 9. 6. §. 2. Paralip. 30. 15.

23. Septima quæstio est, in quem finem institutum fuerit hoc sacrificium Agni? Respondeo. In duplēm finem. Primo, in memoriam illius beneficij, quod Iudæi consecuti sunt ea nocte, quæ secuta est immolationem Agni Paschalensis in Aegypto. Tunc enim Deus percussit omnia primogenita Aegypti, intactis primogenitis Iudæorum: & liberavit Iudæos à seruitute Pharaonis. Secundo, in typum & figuram Christi, qui tanquam Agnus innocens immolandus & occidendus erat pro humano genere. De priori fine intelligitur illud Exod. 12. 14.

H. belini

Habebitis hunc diem in monumentum, & celebrabitis eam solennem Domino in generationibus vestris cultu sempererno. Et v. 26. Et cum dixerint vobis filii vestri: *Quae est ista religio?* dicetis eis: *Victima transitus Domini est, quando transiit super domos filiorum Israël in Ægypto, percussus Ægyptios, & domos nostras liberans.* De posteriori loquitur Apostolus 1. Corinth. 5. 7. *Pascha nostrum immolatus est Christus.* Duo autem spectanda sunt in Agno. 1. Immolatio, quæ erat figura Christi in Cruce immolandi. 2. Comestio, quæ erat figura Christi in ultima Cœna comedendi sub specie panis & vini. Prior figura in his consistit. Primo, sicut per immolationem Agni Paschalidis, & per aspersiōnem Sanguinis eius super postes & liminaria, liberati sunt Israëlitæ à captiuitate Pharaonis, & ab Angelo percutiente: sic per immolationem Christi in Cruce, & per effusionem Sanguinis illius, liberatum est genus humanum à seruitute peccati & diaboli. Secundò, sicut Agnus vespere immolatus est: sic Christus in fine saeculorum mortuus est pro nobis. Tertiò, sicut Agnus immolabatur à tota multitudine populi Israëlitici: Sic Christus morti addictus est, clamante tota Iudæorum multitudine, *Crucifige, Crucifige.* Quartò, sicut Agnus erat masculus, anniculus, & sine macula: sic Christus in partendo fortis, in flore ætatis, & sine ullo peccato. Quintò, sicut os non confringebatur in Agno: sic Christi crura in Cruce non sunt fracta: quam figuram expressit Evangelista, Ioann. 19. 33. Sextò, sicut pro agno poterat hædus subrogari: sic Christus, tametsi Agnus esset, tamen inter iniquos, id est, inter hædos reputatus

putatus est. Et sicut hædus solet esse victimæ pro peccatis: sic Christus pro peccatis totius mundi oblatus est. Hinc etiam Iacob Patriarcha hædini pellibus obuolutus fuit, ut Christum præfiguraret. Posterior figura consistit in his. Primo, sicut Agnus fuit comestus à Iudæis: sic Christus in Eucharistia comeditur à Christianis. Secundò, sicut ille à solis Iudæis & circumcisis, & in sola ciuitate Ierusalem: ita hic à solis Christianis, & baptizatis, & in sola Ecclesia. Tertiò, sicut ille assatus igne corporali: ita hic assatus igne charitatis. Quartò, sicut ille cum azymis panibus, & lactucis agrestibus: ita hic cum magna puritate, & dolore de peccatis. Quintò, sicut ille cum capite, pedibus, & intestinis: ita hic cum diuinitate, & humanitate, latente sub specie panis & vini. Denique, sicut ille à Iudæis succinctis & peregrinantibus ad terram promissionis: ita hic à Christianis, properantibus ad cælestem patriam.

24. Quidam quæstio est, quoties à Iudæis celebratum sit Pascha? Respondeo. Constat ex Scriptura, & sèpè celebratum, & sèpè omissum esse. Ac primo celebratum est in egressu ex Ægypto. (Exod. 12. 28.) Secundò, in deserto Sinai, anno secundo egressionis. (Numerorum nono, versu primo.) Tertiò, in campestribus Iericho. (Iosue quinto, versu decimo.) Quartò, in Ierusalem sub Ezechia Rege. (2. Paralipomenon 30. 1.) Quintò, in Ierusalem sub Iosia Rege. (quarto Reg. vigesimo tertio, versu vigesimo primo, & 2. Paral. 35. 1.) Sexto, post redditum ex captiuitate Babylonica in Ierusalem. (1. Esdra 6. 19.)

Septimò , tempore Christi & Apostolorum. (Matth.26.17.) Omissum autem est primo , toto tempore peregrinationis , exceptis duobus primis annis. Nam primo anno celebratum est in Ægypto : secundo,in deserto Sinai,vt dictum est. Ab eo tempore , per 38. annos , usque ad transitum Iordanis,omissum est. Non enim Iudæi , qui transibant Iordanem , erant circumcis , ac proinde non poterant celebrare Pascha. Vnde Iosue , cùm vellet post transitum Iordanis in Galgala , seu in campestribus Iericho , renouare immolationem Agni: prius mandauit omnes circumcidiri. (Iosue 5. 2.) Deinde tempore Regum , sèpè omissum est. Vnde Ezechias & Iosias hortati sunt populum , vt omnes venirent Ierosolymam , & ibi iuxta legem celebrarent Phase. (4. Reg. 13.24. & 2. Paralipomenon 30.1.) Denique, intermissum est tempore captiuitatis Babylonicæ. Vnde post captiuitatem , cùm Iudæi rediissent Ierosolymam , cœperunt iterum immolare. (1. Esdræ 6. 19.) Atque hæc ex Scripturis dicta sufficiant.

*De aliis aliarum solennitatum
sacrificiis.*

25. Præter iuge sacrificium , quod quotidie , & præter Agnum Paschalem , qui in Paschate offerebatur ; erant alia sacrificia , quæ in reliquis solennitatibus offerri debebant ex præscripto legis. Erant autem hæc solennitates. 1. Sabbatum. 2. Neomenia , seu initium mensis lunaris. 3. Solennitas azymorum , quæ incipiebat postridie Pascha

Paschatis. 4. Pentecoste. 5. Festum Tubarum. 6. Festum Expiationis. 7. Scenopegia , seu festum Tabernaculorum. 8. Festum Cætus atque Collectæ. De quibus fusius cap. 15. §. 51. & sequentibus.

26. Sacrificium Sabbathi describitur Num. 28. 9. his verbis : *Die autem Sabbathi offeretis duos Agnos anniculos immaculatos , & duas decimas similes oleo conspersa in sacrificio , & liba que ritè funduntur per singula Sabbathia in holocaustum sempiternum.*

27. Sacrificium Neomeniæ ibidem versu 11. *In Calendis autem offeretis holocaustum Domino , vitulos de armento duos , arietem unum , agnos anniculos septem immaculatos , & tres decimas similes oleo conspersa in sacrificio per singulos vitulos : & duas decimas similes oleo conspersa per singulos arietes : & decimam decimam simile ex oleo in sacrificio per agnos singulos. Holocaustum suauissimi odoris atque incensi est Domino. Libamenta autem vini , que per singulas fundenda sunt victimas , ista erunt. Media pars bin per singulos vitulos , tertia per arietem , quarta per agnum. Hoc erit holocaustum per omnes menses , qui sibi anno veniente succedunt. Hircus quoque offeretur Domino pro peccatis.*

28. Sacrificium solennitatis azymorum ibidem vers. 16. *Mense autem primo , quartadecima die mensis , Phase Domini erit , & quintadecima die solennitas. Septem diebus vescentur azymis. Quarum dies prima venerabilis & sancta erit : omne opus servile non facietis in ea , offeretisque incensum holocaustum Domino , vitulos de armento duos , arietem unum , agnos anniculos septem : & sacri-*

ficia singulorum ex simila, que conspersa sit oleo, tres decimas per singulos vitulos, & duas decimas per arietem, & decimam decima per agnos singulos, id est, per septem agnos. Et hircum pro peccato unum, ut expietur pro vobis, præter holocaustum matuinum, quod semper offereris. Ita facieis per singulos dies septem dierum infomitem ignis, & in odorem suauissimum Domino, qui surget de holocausto, & de libationibus singulorum, &c.

29. Sacrificium Pentecostes, Leuit. 23. 15. Numerabitis ergo septem hebdomadas plenas, id est, quinquaginta dies: & sic offeretis sacrificium nouum Domino ex omnibus habitaculis vestris, panes primitiarum duos de duabus decimis simila fermentata, quos coquitis in primitias. Offeretisque cum panibus septem agnos immaculatos anniculos, & vitulum de armento unum, & arietes duos, & erunt in holocaustum cum libamentis suis, in odorem suauissimum Domino. Facieris & hircum pro peccato, duosque agnos anniculos hostias pacifcorum. Cumque eleauerit eos Sacerdos, cum panibus primitiarum coram Domino, cedent in usum eius. Et vocabitis hunc diem celeberrimum atque sanctissimum.

30. Sacrificium festi Tubarum, Leuit. 23. 24. Mense septimo, prima die mensis, erit vobis Sabbathum, memoriale clangentibus tubis, & offeretis holocaustum Domino. Quale autem debeat esse hoc holocaustum, disertè explicatur Num. 29. 1. Mensis septimi prima dies venerabilis & sancta erit vobis. Omne opus seruile non facietis in ea, quia dies clangoris est, & tubarum. Offeretisque holocaustum in odorem suauissimum Domino, vitulum de aremento unum,

vnum, arietem vnum, & agnos anniculos immaculatos septem: & in sacrificiis eorum simila oleo conspersa tres decimas per singulos vitulos, duas decimas per arietem, unam decimam per agnum, qui simul sunt agni septem: Et hircum pro peccato, qui offeritur in expiatione populi, præter holocaustum Calendarum cum sacrificiis suis, & holocaustum sempiternum cum libationibus solitis. Vbi nota, in festo Tubarum tria fuisse sacrificia offerenda. Vnum, ratione festi Tubarum. Alterum, ratione Neomeniæ. Tertium, iuge sacrificium, quod quotidie offerebatur. Et hoc significat Scriptura, cum dicit, præter holocaustum Calendarum, & holocaustum sempiternum: quasi dicat, præter illa duo sacrificia, offeretis etiam illud tertium, quod iam præscripsi.

31. Sacrificium festi expiationis, Leuit. 23. 27. Domo die mensis septimi, dies expiationum erit celeberrimus, & vocabitur sanctus: affligerisque animas vestras in eo, & offeretis holocaustum Domino. Hoc holocaustum describitur Numer. 29. versu septimo, his verbis: Decima dies mensis huius septimi erit vobis sancta, offeretisque holocaustum Domino, vitulum de armento unum, arietem vnum, agnos anniculos immaculatos septem: Et in sacrificiis eorum simila oleo conspersa tres decimas per singulos vitulos, duas decimas per arietem, decimam decima per agnos singulos, qui sunt simul agni septem: Et hircum pro peccato, absque ies, qua offerri pro delicto solent in expiationem, & holocaustum sempiternum, cum sacrificio, & libaminibus eorum. Vbi iterum nota præter hircum pro peccato, debuisse offerri, primò, vitulum, cuius sanguis inferebatur in sanctuarium:

secundò , hircum aliū , super quē Sacerdos confitebatur peccata populi , & sic emittebatur in desertum . (Leuitici decimo sexto .) Tertiò , iuge sacrificium . Vide Lyranum in cap . decimo nono Numerorum .

32. Sacrificium Scenopegiæ seu Tabernaculorum , Leuitic . 23 . 34 . A quintodecimo die mensis septimi , erunt feria tabernaculorum septem diebus Domino . Septem diebus offereis holocausta Domino . Hæc holocausta septem dierum sigillatim exprimuntur Num . 29 . 3 . his verbis : Primo die offereis vitulos de armento tredecim , arietes duos , agnos annicullos immaculatos quatuordecim : & in libamentis eorum simila oleo conspersa tres decimas per vitulos singulos , duas decimas arietibus duobus , & decimam decima agnis singulis : Et hircum pro peccato , absque holocausto sempiterno , & sacrificio , & libamine eius . In die altero offereis vitulos de armento duodecim , &c . Die tertio , vitulos undecim , &c . Et sic deinceps . Hoc solum aduerte , quod illis septem diebus omnia sacrificia sint eadem , excepto numero vitulorum . Nam primo die offerebantur tredecim vituli : secundo , duodecim : tertio , undecim : quarto , decem : quinto , nouem : sexto , octo : septimo , septem . Singulis autem diebus , duo arietes , quatuordecim agni , hircus pro peccato , & iuge sacrificium .

33. Sacrificium Cœtus atque Collectæ , quod transactis septem diebus Tabernaculorum , celebraatur octauo die , describitur Leuitici 23 . 36 . Dies quoque octauus erit celeberrimus , & offeretis holocaustum Domino : Est enim Cœtus atque Collectæ .

Et

Et Num . 29 . 35 . Die octauo offereis vitulum unum , arietem unum , agnos annicullos immaculatos ^{septem :} sacrificiisque & libamina singulorum per vitulos , & arietes , & agnos ritè celebrabitis : Et hircum pro peccato , absque holocausto sempiterno , sacrificiisque eius ac libamine . Sequitur communis clausula : Hec offereis Domino in solemnitatibus vestris : præter vota , & oblationes spontaneas in holocausto , in sacrificio , in libamine , & in hostiis pacificis . Vnde constat , generatim loquendo , duplia fuisse sacrificia : quadam necessaria ex præscripto legis : alia spontanea ex arbitrio & deuotione offerentium . De prioribus , quæ siebant in solemnitatibus , dictum est haecenus . De posterioribus nihil necesse dicere in particulari , quia parum ad nostrum institutum .

*De igne , quo utebantur Sacerdotes
in sacrificiis .*

34. Quinque certa sunt ex scripturis . Primum est , ignem quandam à Deo cœlitus datum esse , qui consumpsit primum sacrificium , quod obtulit Aaron in deserto , postquam Sacerdos à Mose consecratus est : quod contigit anno secundo egressionis filiorum Israël ex Ægypto . Sic enim legimus Leuit . 9 . 24 . Apparuit gloria Domini omnimulitudini : Et ecce egressus ignis à Domino , devorauit holocaustum , & a ipsis qui erant super altare . Quod cum vidissent turba , laudaverunt Dominum , ruentes in facies suas .

35. Alterum est , hunc ignem debuisse perpetuo nutrirī & conseruari à Sacerdotibus , ne vn-

V 4 quam

quam in altari deficeret. Leuit. 6. 12. *Ignis in altari semper ardebit, quem nutriri Sacerdos, subiiciens ligna manu per singulos dics.* Et infrà: *Ignis est iste perpetuus, qui nunquam deficiet in altari.*

36. Terrium est, non alio, quam isto igne potuisse vti Sacerdotes ad sacrificia. Hoc inde constat, quia Nabād & Abiu, filii Aaronis, à Deo puniti sunt, quod alieno igne vñi essent. Leuit. 10. 1.

Arreptisque Nabād & Abiu filii Aaron, iheribus, posuerunt ignem, & incensum desuper, offerentes coram Domino ignem alienum, quod eis præceptum non erat. Egressisque ignis à Domino, devorauit eos, & morui sunt coram Domino. Vide D. August. in quæstionibus super Leuit. quæst. 31.

37. Quartum est, hunc ignem à secundo anno egressionis ex Ægypto, quo cœlitus à Deo datus est, perpetuo conseruatum fuisse in altari Tabernacili, usque ad tēpus captiuitatis Babylonicae, quo & templum incensum est, & Iudæi in Babylonem abducti sunt. Tunc enim in quodam puto à Sacerdotiis absconsus est. 2. Machab. 1.

19. *Cum in Persidem ducerentur Pates nostri, Sacerdotes, qui tunc cultores Dei erant, accepimus ignem de altari, occulè absconderunt in valle, ubi erat puteus altus & siccus, & in eo contutati sunt eum, ita ut omnibus ignotus esset locus.* Hinc sequitur, ignem illum, in toto tempore, quod præcessit captiuitatem, toties mutasse locum, quoties Tabernaculum cum altari de loco in locum translatum est. Fuit ergo per 39. annos in solitudine. Postea cum filii Israël, transito Jordane, venissent in terram promissionis, fuit successuè in variis locis. 1. in Galgala. 2. in Silo. 3. in Nobe. 4. in Gabaon. 5. in

Hierusal

Hierusalem, ædificato iam Salomonis Templo. Ibique mansit usque ad captiuitatem, vt dictum est.

38. Quintum est, eundem ignem, post solutam captiuitatem, iubente Nehemia, quæsitum fuisse à nepotibus eorum Sacerdotum, qui illum in puto absconderant, nec tamen inuentum: sed pro eo repertam fuisse aquam crassam, quæ oblatio sacrificio, diuinitus in ignem conuersa est. 2. Machab. 1. 20. *Cum autem præterissent anni multi, & placuit Deo, ut mitteretur Nehemias à Rege Persidis, nepotes Sacerdotum illorum, qui ascenderant, misit ad requirendum ignem: & sicut narrauerunt nobis, non inuenierunt ignem, sed aquam crassam.* Et iussi eos haurire & adferre sibi: & sacrificia, quæ imposita erant, iussi Sacerdos Nehemias aspergi ipsa aqua, & ligna, & quæ erant superposita. *Vixque hoc factum est, & tempus adfuit, quo Sol refulsi, qui prius erat in nubilo, accensus est ignis magnus, ita ut omnes mirarentur.* Porro, diem illum, quo ignis hic diuinitus accessus est, habuerunt Iudæi pro solemnitate, & deinceps festum seu dies dati ignis appellata est. Et postea in secundo Templo, eodem igne vñi sunt in sacrificijs.

39. Porro in hoc igne, de quo haec tenus dictū est, tria spectanda sunt, quæ mysterium habent. Primo, Quod sit à Deo datus. Secundo, Quod illo solo, & non alio licuerit vti in sacrificijs. Tertio, Quod cum perisset, ex aqua crassa, per ministerium Sacerdotum, non sine magno miraculo, recuperatus sit. Haec, inquam, tria mysterium habent. Et primo discimus, ignem illum, quo nos in nouo Testamento perficimus sacrificium,

cælestem esse; nec alium, quam ignem diuinæ charitatis. Ex secundo, nullum sacrificium Deo gratum esse sine hoc igne charitatis. 1. Cor. 13. 3. *Si iradidero corpus meum, ita ut ardeam, charitatem autem non habuero, nihil mihi prodest.* Ex tertio, hunc ignem charitatis aliquando in nobis perire per peccatum mortale, quod habet se instar aquæ crassæ: sed postea, accedente absolutione Sacerdotali, non sine magno miraculo reuiuiscere & recuperari. De hoc igne loquitur Christus Luc. 12. 49. *Ignem veni mittere in terram, & quid volo, nisi ut accendatur?* Vide Augustinum in Psal. 96.

De sacrificio noui Testamenti, quod per sacrificia Mosaica fuit præfiguratum.

40. In novo Testamento duplex est sacrificium. Vnum cruentum, quo Christus in ara Crucis Deo Patri oblatus est pro expiacione nostrorum peccatorum. Alterum incruentum, quo idem Christus quotidie sub specie panis & vini offeritur in altari, partim in memoriam cruenti illius sacrificij, partim ob has causas. 1. Ad colendum Deum. 2. Ad gratiarum actionem pro beneficiis acceptis. 3. Ad imperranda noua beneficia. 4. Ad placandum Deum.

41. Hæc duo sacrificia possunt dupliciter spectari. Primò, quoad rem oblatam: & sic non sunt duo, sed vnum. Nam in vitroque est vna, & eadem res oblata, nempe CHRISTVS Dominus. Secundò, quoad modum & ritum offerendi: & sic duo sunt. Nam Christus in altero oblatus est cruento

cruento modo, & in propria specie humana, per realem sui occisionem. In altero offertur incruento modo, & sub specie aliena, sine reali sui occisione.

42. Vtrumque sacrificium est quasi primarium prototypon, ad quod præfigurandum omnia sacrificia Veteris Testamenti ordinata sunt: siue illa fuerint Mosaica, de quibus actum est; siue antiquiora Mosaicis, ut sacrificium Abrahæ, Melchisedech, Iob. Ut omittam reliqua. Nam hæc omnia fuerunt typi seu figuræ nostri sacrificij. Quod breuiter sic explicabo.

43. In sacrificio cruento, quo Christus in cruce oblatus est, multa spectari possunt. Primò, quod fuerit vnigenitus Dei filius. Secundò, quod à Patre oblatus in mortem. Tertiò, quod Patri obsequentissimus. Hæc tria optimè præfigurantur per sacrificium Abrahæ, quo obtulit vnigenitum filium suum Isaac. Quartò, quod re ipsa occisus sit. Hoc significant omnia sacrificia Mosaica, quæ erant ex animalibus. Quintò, quod effusione Sanguinis liberauerit nos à seruitute diaboli. Hoc significat Sanguis Agni Paschalis, qui super poltes domorum aspergimus, liberauit filios Israël à seruitute Pharaonis. Sextò, quod suo sanguine inundauerit nos à peccatis nostris. Hoc significat sanguis hircorum & aliorum animalium, teste Apostolo Hebræor. 9. 13. *Si enim sanguis hircorum & taurorum inquinatos sanctificat ad emundationem carnis, quanto magis Sanguis Christi emundabit conscientiam nostram ab operibus mortuis?* Septimò, quod innocens occisus sit. Hoc significat mactatio Agni Paschalis.

Vnde

Vnde Isaías cap. 53. 7. Sicut ovis ad occisionem ducetur, & quasi agnus coram ioydene se obtumescet, & non aperiet os suum. Octauò, quod tametsi innocens fuerit, tamen cum latronibus deputatus sit. Hoc significat Hircus, qui loco Agni Paschalis offerri poterat. Hircus enim animal fœtidum est. Nonò, quod crura eius non sint fracta. Hoc significat Agnus Paschalis, de quo scriptum est Exodi 12. 46. *Os non comminuetis ex eo.* Decimò, quòd se totum Patri obtulerit, nulla parte sibi reseruata. Hoc significat omnia holocausta.

44. Similiter in sacrificio incruento multa spectari possunt. Primo, quod quotidie offeratur in Eucharistia. Hoc significat iuge sacrificium, de quo suprà. Secundò, quòd caro Christi verè cōedatur in hoc sacrificio, Ioan. 6. 55. *Caro mea verè est cibus.* Hoc significat caro Agni Paschalis, quæ verè comedebatur ab offerentibus. Tertiò, quòd Christus sumatur sub specie panis & vini. Hoc significat sacrificium Melchisedech, qui panem & vinum obtulit. Quartò, quòd comeduntur ex hoc sacrificio, debeant esse puri à peccatis, ne indignè accendant. 1. Corinth. 11. 29. *Qui enim manducat & bibit indignè, iudicium sibi manducat & bibit, non diuidicans Corpus Domini.* Hoc significat sanctificatio filiorum Iob. Quintò, quod debeant habere veram contritionem & dolorem de peccatis præteritis. 1. Corinth. 11. 28. *Prohet autem seipsum homo.* Hoc significant lactucæ agrestes in esu Agni Paschalis. Sextò, quod debeant esse parati ad currēdam viam mandatorum Dei, & contendere ad cœlestia. Hoc significant Iudei, qui accincti lumbis, & calceati, & tenentes baculum

lum in manibus, festinanter comedebant Agnum Paschalem. Hæc ferè præcipua sunt. Alia minutiæ omitto.

CAP V T X I V.

1. SACRAMENTA sunt quedam externa signa seu ceremoniæ, quæ ex Dei institutione habent vim significandi & efficiendi aliquam sanctitatem, ut passim docent Theologi. Est autem duplex sanctitas. Una vera & interna, quæ est idem, quod gratia iustificans. Altera legalis & externa, quæ consistit in quadam munditia legali, id est, à lege Mosaïca præscripta. Sicut enim lex Mosaïca reputabat quosdam immundos seu irregulares, qui hoc vel illo modo affecti essent, aut certa quedam opera facerent: Ita etiam reputabat quosdam mundos & sanctos, si certas quasdam ceremonias à Deo institutas usurparent. Hoc posito, queritur primò, Quæ & quot fuerint Sacra menta Mosaïca. Secundò, Quam vim & efficaciam sanctificandi habuerint. Tertiò, An fuerint tam perfecta, quam nostra Sacra menta. Quartò, Quid de singulis in particulari statuendum sit.